



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Зajедничка комисија оба дома за постизање
идентичног текста Закона о штрајку запослених
у институцијама БиХ

Zajednička komisija oba doma za postizanje
identičnog teksta Zakona o štrajku zaposlenih
u institucijama BiH

Zajedničko povjerenstvo obaju domova za
postizanje istovjetnog teksta Zakona o štrajku
zaposlenih u institucijama BiH

Broj: 01,02,02-1-24/15

Sarajevo, 14.4.2016.

PREDSTAVNIČKOM DOMU
DOMU NARODA
PARLAMENTARNE SKUPŠTINE BiH



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 14 -04- 2016			
Organizaciona jedinica	Organizaciona jedinica	Broj priloga	Broj priloga

Na osnovu člana 120. st. (2) i (3) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15), člana 129. st. (2) i (3) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zajednička komisija oba doma za postizanje identičnog teksta Zakona o štrajku zaposlenih u institucijama Bosne i Hercegovine (u daljnjem tekstu: Zajednička komisija) u kojoj su: Darko Babalj, Zdenka Džambas, Halid Genjac, Predrag Kožul, Lazar Prodanović i Hazim Rančiću podnosi

IZVJEŠTAJ

o postizanju identičnog teksta

Zakona o štrajku zaposlenih u institucijama Bosne i Hercegovine

Predstavnički dom Parlamentarne skupštine BiH je na 24. sjednici, održanoj 3.2.2016., usvojio Zakon o štrajku zaposlenih u institucijama Bosne i Hercegovine s tri amandmana koja glase:

Amandman I.

U članu 10. stav (3) mijenja se i glasi: „Vijeće za mirno rješavanje spora dužno je u roku od sedam dana od dana imenovanja stranama u sporu dostaviti prijedlog za rješenje spora ili konstatirati da mirno rješavanje spora nije uspjealo.“

U članu 10. stav (4) mijenja se i glasi: „Strane u sporu dužne su u roku od tri dana od dana dostavljanja očitovati se o tome da li prihvataju ili ne prihvataju prijedlog vijeća za mirno rješavanje spora.“

U članu 10. iza stava (4) dodaje se novi stav (5) koji glasi: „Ako strane u sporu prihvate prijedlog vijeća za mirno rješavanje spora iz stava (4) ovog člana, on postaje obavezujući i za zaposlene i za poslodavce.“

Amandman II.

U članu 13. stav (2) iza riječi: „sporno pitanje“ stavlja se tačka, a ostatak teksta briše se.

Amandman III.

U članu 23. u stavu (1) brišu se riječi: „Zaposleni i“.

Dom naroda Parlamentarne skupštine BiH je na 16. sjednici, održanoj 22.3.2016., usvojio Zakon o štrajku zaposlenih u institucijama Bosne i Hercegovine s tri amandmana koja glase:

Amandman I.

U članu 10. stav (3) mijenja se i glasi: „Vijeće za mirno rješavanje spora dužno je u roku od sedam dana od dana imenovanja stranama u sporu dostaviti prijedlog za rješenje spora ili konstatirati da mirno rješavanje spora nije uspjelo.“

U članu 10. stav (4) mijenja se i glasi: „Strane u sporu dužne su u roku od tri dana od dana dostavljanja očitovati se o tome da li prihvataju ili ne prihvataju prijedlog vijeća za mirno rješavanje spora.“

U članu 10. iza stava (4) dodaje se novi stav (5) koji glasi: „Ako strane u sporu prihvate prijedlog vijeća za mirno rješavanje spora iz stava (4) ovog člana, on postaje obavezujući i za zaposlene i za poslodavce.“

Amandman II.

U članu 13. stav (2) iza riječi: „sporno pitanje“ stavlja se tačka, a ostatak teksta briše se.

Amandman III.

U članu 23. stav (1) mijenja se i glasi: „(1) Poslodavac može da podnese tužbu za utvrđivanje zakonitosti štrajka pred Sudom Bosne i Hercegovine ako smatra da štrajk nije organiziran u skladu s ovim zakonom.“

S obzirom na to da je Prijedlog zakona o štrajku zaposlenih u institucijama Bosne i Hercegovine usvojen u različitom tekstu u odnosu na Predstavnički dom, Dom naroda je na istoj sjednici formirao Zajedničku komisiju za usaglašavanje teksta Zakona u koju su imenovani sljedeći delegati: Zdenka Džambas, Darko Babalj i Halid Genjac.

Predstavnički dom je na 27. sjednici, održanoj 5.4.2016., u Zajedničku komisiju za usaglašavanje teksta imenovao sljedeće poslanike: Predraga Kožula, Lazara Prodanovića i Hazima Rančića.

Predmet usaglašavanja je Amandman III. usvojen na 24. sjednici Predstavničkog doma i Amandman III. usvojen na 16. sjednici Doma naroda Parlamentarne skupštine BiH.

Sekretari oba doma Parlamentarne skupštine BiH zakazali su održavanje 1. sjednice Zajedničke komisije za 14.4.2016. Na konstitutivnoj sjednici izabrani su: Halid Genjac, za predsjedavajućeg Zajedničke komisije; Predrag Kožul, za prvog zamjenika predsjedavajućeg i Darko Babalj, za drugog zamjenika predsjedavajućeg Zajedničke komisije.

Nakon toga vođena je rasprava o postizanju identičnog teksta zakona.

Nakon rasprave, Zajednička komisija s pet glasova „za“ (koji uključuju većinu glasova svih članova Zajedničke komisije za usaglašavanje i u toj većini zastupljenost sva tri konstitutivna naroda, kao i većinu iz svakog doma) i jednim glasom „suzdržan“ je postigla saglasnost o identičnom tekstu Zakona o štrajku zaposlenih u institucijama Bosne i Hercegovine tako što je usaglasila sljedeći amandman:

Amandman III.

U članu 23. stav (1) mijenja se i glasi: „(1)Poslodavac može da podnese tužbu za utvrđivanje zakonitosti štrajka pred Sudom Bosne i Hercegovine ako smatra da štrajk nije organiziran u skladu s ovim zakonom.“

Zajednička komisija predlaže Domu naroda i Predstavničkom domu Parlamentarne skupštine BiH da usvoje ovaj izvještaj i prihvate jedinstveni tekst Zakona o štrajku zaposlenih u institucijama Bosne i Hercegovine s amandmanom koji je ova zajednička komisija usaglasila.

Za izvjestioca u ime Zajedničke komisije na sjednici Doma naroda imenovan je delegat Halid Genjac, a na sjednici Predstavničkog doma poslanik Predrag Kožul.

Dostaviti:

- naslovu
- a/a



